

## **Bases reguladoras das axudas para a fomentar á investigación posdoutoral no CISPAC**

PROGRAMA XAN DE FORCADOS (Xoán López Suárez), de incentivos a investigador@s mozos do CISPAC.

O Centro de Investigación Interuniversitario das Paisaxes Atlánticas Culturais (CISPAC), centro interuniversitario das universidades de Santiago de Compostela, Vigo e A Coruña, oferta axudas para desenvolver tres proxectos colaborativos de investigador@s moz@s nunha convocatoria interna de concorrencia competitiva dirixida a Postdocs adscritos como investigadores mozos do CISPAC no marco do Programa de Apoio da USC a centros e institutos en proceso de rexistro e acreditación autonómica. Baixo a denominación Xan de Forcados, na honra de don Xoán López Suárez (1880-1970), impulsor das actividades da JAE en Galicia e impulsor, entre outros centros, da Misión Biolóxica de Galicia.

### **BASES E CONVOCATORIA**

#### **PRIMEIRA. Obxecto**

O obxecto das axudas será o de fomentar a investigación colaborativa no marco do CISPAC entre cando menos dúas universidades -Santiago de Compostela, Vigo e A Coruña- e dous dos cinco campos de investigación

- Paisaxes que teñen xente;
- Paisaxes que producen
- Paisaxes que se gobernan;
- Paisaxes con patrimonio;
- Paisaxes visitadas

A esixida colaboración entre universidades e campos de investigación poderá concretarse na forma de Ip e co-Ip, ambos os dous postdocs do CISPAC, ou na conformación da equipa, na que poderá participar persoal investigador predoutoral do CISPAC ou excepcionalmente persoal investigador permanente (senior) adscrito tamén ao centro.

As persoas beneficiarias desenvolverán o proxecto como parte das actividades científicas do CISPAC e na mesma forma presentarán os seus resultados intermedios ou finais.

## SEGUNDA. Réxime xeral

O CISPAC convoca, en réxime de concorrencia competitiva, tres proxectos a desenvolver no Centro. A partida orzamentaria será a que sexa asignada ao CISPAC e a contía máxima establecida será de 4.000 Euros para cada proxecto (ANEXO I)

## TERCEIRA. Características das axudas

Os proxectos colaborativos que son obxecto destas axudas desenvolveranse no 2024. A xustificación económica tense que realizar como data límite 31/10/2024, aínda que as tarefas de investigación se poden alongar até o 20/11/2024.

As axudas terán como fin establecer sinerxías colaborativas entre investigador@s, lideradas por persoal investigador postdoutoral do CISPAC, para a realización de proxectos conxuntos no marco das liñas da axenda científica definidas no Plano estratéxico do Centro, que impliquen dous ou mais campos de investigación do Centro e persoal pertencente cando menos a dúas universidades

## CUARTA. Requisitos das persoas beneficiarias

Poderán acceder a solicitar estas axudas os e as investigadores/as posdoutorais que cumpran o seguinte requisito:

- a) Ser investigador/a post doutoral adscrito ao CISPAC “non permanente” ou investigador “colaborador”

## QUINTA. Incompatibilidades

Ademais das incompatibilidades xerais establecidas na Lei xeral de subvencións e demais normativa aplicable, a percepción da bolsa será

incompatible con calquera outra axuda ou subvención para a mesma finalidade, así como con calquera remuneración en concepto de salario.

#### SEXTA. Criterios de selección e adxudicación das axudas.

A ordenación das solicitudes farase de acordo cos seguintes criterios, sobre unha puntuación máxima de 10 puntos:

- a) O CV presentando das persoas candidatos, no que se terán en conta as publicacións, premios e a formación relacionada co obxecto da axuda, entre outros aspectos. Este apartado suporá o 30% da valoración obtida.
- b) O proxecto presentado, tendo en conta a innovación da proposta, a súa coherencia interna e o seu interese académico intrínseco, que suporá o 30% da valoración obtida.
- c) O valor colaborativo do proxecto e xerador de sinerxías no marco do CISPAC, consonte ás bases da convocatoria, que suporá o 40%

#### SÉTIMA. Presentación de solicitudes

A presentación de solicitudes farase no correo [cispac.direccion@usc.gal](mailto:cispac.direccion@usc.gal), achegando a seguinte documentación:

- CV normalizado en formato reducido d@s candidat@s (max. 4 páxinas)
- Memoria do proxecto a desenvolver, especificando os campos onde se vai aplicar a axuda, a equipa coa que conta ata un máximo de 4 membros (max. 5 páxinas). Cada persoa so poderá participar nun proxecto. O proxecto presentado debe ter un carácter estritamente científico. Contará así mesmo cun apartado de orzamento, onde se plasmará a previsión das partidas de gasto.
- Carta de motivación coa expresión do interese na obtención da axudas que especifique o sentido da colaboración entre campos e universidades (1 páxina)

Coa presentación da solicitude as persoas solicitantes asinarán unha declaración responsable manifestando que a documentación achegada e a información declarada é veraz e comprometéndose a achegar a documentación orixinal no caso de que lles fose requirida en calquera momento do proceso de selección ou durante o goce da axuda.

O incumprimento do requirimento dará lugar á exclusión da solicitude durante o proceso de selección ou ao reintegro da bolsa no caso de que a persoa resultase beneficiaria.

#### OITAVA. Publicidade e prazo de presentación de solicitudes

As bases e a convocatoria enviaranse ao persoal postdoc e investigador mozo vinculado e colaborador do Centro e publicaranse na web do CISPAC - [cispac.gal](http://cispac.gal)-. O prazo de presentación de solicitudes comezará ao día seguinte da publicación na web do CISPAC e rematará aos 15 días naturais a partir do día seguinte ao da súa publicación.

#### NOVENA. Instrución e tramitación do procedemento

O órgano competente para a instrución do procedemento será a Dirección do CISPAC

Á vista das solicitudes presentadas, o órgano instrutor realizará de oficio as actuacións que estime necesarias para a determinación dos datos en virtude dos que debe formularse a proposta de resolución. No caso de advertir que a documentación presentada é incompleta concederá un prazo de emenda de 3 días hábiles ás persoas solicitantes. De non emendar os defectos nese prazo, procederá ao arquivo da solicitude. Unha vez emendadas as deficiencias que se aprecien nas solicitudes, a Dirección do CISPAC elevará a relación nominal de solicitantes xunto coa documentación á Comisión de Selección.

Nas actuacións e resultados do proxecto concedido indicarán o financiamento do programa Xan de Forcados do CISPAC

#### DÉCIMA. Órganos de selección

A Comisión de Selección será a encargada de avaliar as diferentes solicitudes e de emitir un informe no que se concrete o resultado da avaliación, tendo en conta os requisitos xerais establecidos e os criterios de selección e adxudicación previstos na base Sexta.

O informe será remitido á Dirección do CISPAC e recollerá a ordenación de todas as solicitudes presentadas.

A Comisión de Selección será nomeada pola Dirección do CISPAC. Estará formada polo/a Director/a do Centro, que a presidirá, ou persoa en quen delegue, e dous investigadores/as adscritos ao centro con vinculación permanente, dos que un/ha deles actuará como secretario/a por designación do/a Presidente/a. Non poderán ser do mesmo xénero as tres persoas que conforman esta Comisión.

#### UNDÉCIMA. Proposta de resolución

A Dirección do Centro á vista do informe da Comisión de Selección, formulará a proposta de resolución que se publicará na paxina web do CISPAC na primeira semana de setembro de 2024, amais de informar por correo electrónico aos beneficiarios/as, así como aos proxectos que resultaron denegados. Por tratarse dunha convocatoria en réxime de concorrencia competitiva, a Dirección poderá acordar a publicación da relación de solicitantes que constituirán a lista de agarda para o caso de que existan renuncias das persoas beneficiarias. No prazo de 3 días hábiles desde a publicación da proposta de resolución, as persoas adxudicatarias deberán comunicar a súa aceptación mediante correo electrónico dirixido á dirección do CISPAC ([cispac.direccion@usc.gal](mailto:cispac.direccion@usc.gal)), achegando o modelo establecido no Anexo II.

#### DUODÉCIMA. Resolución, notificación e réxime de recursos.

A Dirección do CISPAC elevará a proposta de resolución definitiva e ditará a resolución que poña fin ao procedemento. A falta de resolución e notificación no prazo sinalado dará lugar a que se entendan desestimadas as correspondentes solicitudes. A proposta de resolución contemplada na base undécima non xera dereitos a favor do beneficiario proposto mentres non se notifique a resolución de concesión. A resolución de concesión ou denegación definitiva adoptárase no prazo máximo dun mes contado desde a finalización do prazo de presentación de solicitudes, e comunicárase de acordo co establecido no artigo 45 da Lei 39/2015 do 1 de outubro, mediante a súa publicación na páxina web do CISPAC. De conformidade cos artigos 123 e 124 da Lei 39/2015 do 1 de outubro, contra a resolución de concesión ou denegación que pon fin á vía administrativa, cabe interpoñer recurso potestativo de reposición.

## DÉCIMOTERCEIRA. Obrigas das persoas beneficiarias

As persoas beneficiarias das axudas están obrigadas a entregar unha memoria onde se reflectan as conclusións provisórias do proxecto realizado e o cumprimento dos obxectivos propostos na memoria do proxecto, como moi tarde o 20 de novembro de 2024. Así mesmo, deberase presentar unha memoria definitiva de resultados completos no ano 2025 (de ser o caso antes do 31 de xullo de 2025).

Tamén estarán obrigadas a facer unha presentación pública de resultados nunha sesión de Seminarios do CISPAC e a citar expresamente a axuda recibida en todas as publicacións derivadas ou relacionadas.

Santiago de Compostela, 26 de xullo de 2024

Asdo.: Lourenzo Fernández Prieto

Director Científico

## ANEXO I

### 1. Réxime xeral

Convócanse un máximo de 3 axudas para a realización de proxectos de investigación no CISPAC.

O financiamento imputarase á partida orzamentaria do Programa de Apoio da USC a centros e institutos en proceso de rexistro e acreditación autonómica correspondente ao exercicio 2024. A contía máxima para cada unha destas axudas ascende a 4.000 euros.

### 2. Período de realización da axuda

A xustificación económica deberá estar realizada como data límite o 31 de outubro de 2024, e os traballos poderanse alongar até o 20 de novembro de 2024.

### 3. Contía da axuda xeral

Unha axuda xeral que terá unha contía máxima de 4.000 euros (brutos). A axuda será administrada pola Dirección do CISPAC, que atenderá aos gastos estipulados na proposta a petición do/a IP, axustándose á tipoloxía de gasto marcada na partida orzamentaria do Programa de Apoio da USC a centros e institutos en proceso de rexistro e acreditación autonómica.

### 4. Requisitos das persoas aspirantes

Ver punto cuarto das bases

## ANEXO II

### ACEPTACIÓN DA AXUDA

Don/Dona ....., con NIF/NIE/Pasaporte. núm....., en virtude da solicitude presentada de conformidade coa Resolución da Dirección do CISPAC XX de XXXX de 2024, pola que se establecen as bases reguladoras e se convocan as axudas para a fomentar á investigación posdoutoral no CISPAC, publicada o \_\_ de ---- de 2024 na páxina web do CISPAC, manifesta a ACEPTACIÓN da axuda proposta e das condicións establecidas na referida resolución.

En....., a....de... de 2024

Asdo.- Don/Dona